

適園叢書

張宗祥



通國書香

吳昌碩



唐大詔令集卷第六十二

宋敏求編

大臣

冊國公

冊高士廉改封申國公文

冊李勣改封英國公文

冊程知節改封盧國公文

冊侯君集改封陳國公文

冊段志玄改封襄國公文

冊羣臣

冊張允恭鄴州都督文

冊唐臨吏部尚書文

冊段寶玄越州都督文

冊喬師望涼州刺史文

冊閻立本工部尚書文

冊李寬太子詹事文

冊李義甫司徒太常伯文

冊劉伯英左監門衛大將軍文

冊竇玄德司元太常伯文

冊許圜師左相文

冊薛孤吳仁右金吾衛大將軍文

冊許敬宗太子太師文

冊張延師左衛大將軍文

冊國公

冊高士廉改封申國公文

維貞觀某年月日甲子皇帝若曰於戲昔周建五等漢班六條經邦之制旣弘載祀之作惟永是以樊侯申伯功成藩翰喬卿叔節績宣刺舉惟爾特進吏部尙書許國公高士廉識宇宏正風鑑秀潔地惟姻戚材稱棟幹雲雷在運參霸圖於艱難龜鼎有歸奉王猷於獻替廊廟推重搢紳佇德總方牧之寄勝殘播美綜銓衡之職得人流詠固已聲高多士功書太常桐柏作鎮渦淮設險形勝之地允屬勳賢是用命爾爲使持節申州諸軍事申州刺史改封申國公傳之子孫世爲

唐輔往欽哉率循典禮勉固誠節垂裕來葉以保黎庶可不
慎歟

冊李勣改封英國公文

維貞觀某年月日甲子皇帝使某官持節冊命曰於戲列爵
者必俟茂勳設官者咸資懿德所以翼贊王室弘宣帝載惟
爾光祿大夫行并州都督府長史太子左衛率曹國公李勣
識量恢弘風略宏遠忠以奉上信以立身獻款西歸邠鄜風
美分麾東略虢鄭景從預艱難於藩邸參經綸而方面南定
惟揚北清大漠威振殊俗勳書冊府及入典禁旅出司藩鎮
勤勞表於夙夜績用成於期月蘄黃之地濱帶江淮鎮捍之
重允屬功烈是用爾命爲使持節蘄州諸軍事蘄州刺史改

封英國公任重六條地優五等爲朕屏藩傳爾子孫往欽哉其祇膺朝命克固臣節勤卹黎元垂裕後世可不慎歟

冊程知節改封盧國公文

維貞觀某年月日甲子皇帝使某官某副使某官某持節冊命曰於戲蓋宣條作牧胙土建侯共治長寄藩翰斯在唯爾左領軍大將軍檢校原州都督宿國公程知節志懷銳穎氣含強果業預艱難效宣行陣入司禁衛勤誠著於軒陛出鎮方隅惠化洽於黎俗疇庸有典式隆寵命是用命爾爲使持節朗州諸軍事朗州刺史改封盧國公傳之子孫長是藩屏往欽哉爾其戒典謨之訓固臣子之節勤修政道以貽爾後可不慎歟

冊侯君集改封陳國公文

維貞觀某年月日甲子皇帝若曰於戲夫經邦之道必資長策利建之義式固無窮是以周之列國世祚藩屏漢之功臣永垂帶礪惟爾兵部尚書潞國公侯君集體業貞固識量恢凱任切腹心寄深文武草昧伊始奉一匡於藩朝光華在運典九伐於禮樂入陪禁中出臨闔外贊嘉謀於樽俎埽逋寇於遐荒誠量歲寒勳勒庸器宛丘之地實惟舊鎮胙土作牧允屬朝望是命爾爲使持節陳州諸軍事陳州刺史改封陳國公傳之子孫世爲唐輔往欽哉爾其克固臣節思勗王度夙夜匪懈無替典則可不慎歟

冊段志玄改封襄國公文

維貞觀某年月日甲子皇帝若曰於戲夫計功裂土量能分
職所以光贊王室康乂黎元惟爾左驍衛大將軍樊國公段
志玄理懷沈毅氣幹強雄蜀漢委質早效忠款潁川從我備
盡力心預艱虞於藩朝陪戎征於閩外勤宣階陛功表旌旗
西城之地襟帶巴蜀藩翰之重實俟勳庸是用命爾爲使持
節金州諸軍事金州刺史改封襄國公傳之子孫世爲藩輔
往欽哉爾其勉固一心勛茲六行克勤政術無斃彝典可不
慎之乎

冊羣臣

冊張允恭鄯州都督文

維顯慶元年歲次景辰十二月辛卯朔八日戊戌皇帝若曰

唐書卷之二十二
夫安邊訓俗有國之先猷簡賢任能爲政之常典惟爾蘭州都督安陸縣開國公張允恭器宇詳正識用邁遠夙著勤誠早延恩遇今方違負羌戎薦居降節監撫綏懷攸屬是用命爾爲使持節都督鄯蘭河儒廓漳濠七州諸軍事鄯州刺史封如故爾其鎮靜幽荒式清姦宄懍威稜以肅遠明賞罰以垂信無怠庶政率由舊章光膺寵命可不慎歟

冊唐臨吏部尙書文

維顯慶二年歲次丁巳十月丁亥朔十九日乙巳皇帝若曰昔虞舜分司元愷膺機揆之任當塗受命崔盧處銓綜之重故能翊宣景化叶贊時雍惟爾度支尙書唐臨器識沈敏操履貞潔譽滿周行效章官次損益機務爰著循聲藻鑒流品

是資清識是用命爾爲吏部尙書爾其懸衡處物虛心待士
求賢審官循名責實祇承朝寵可不慎歟

冊段寶玄越州都督文

維顯慶三年歲次戊午七月辛巳朔十九日己亥皇帝若曰
於戲夫成俗康邦寄深於岳牧宣風闡化任切於循良惟爾
銀青光祿大夫行洛州刺史段寶玄體量凝整理懷貞贍總
務仙臺能官著於綱紀分司棘署令德表於平反三川之野
允敷聲績九江之地爰資鎮撫是用命爾爲使持節都督越
台括婺泉建六州諸軍事越州刺史爾其勤加卹隱勉思爲
政審之以刑獄馭之以公平革剽悍之風歸淳質之軌欽茲
寵命可不慎歟

冊喬師望涼州刺史文

維顯慶三年歲次戊午十月庚辰朔十一日庚寅皇帝若曰
於戲夫卹隱求瘼義裕於循良撫眾懷邊允資於才幹惟爾
正議大夫守涼州都督駙馬都督喬師望風情敏濟志略明
遠夙承寵榮早預驅馳仗節秋方功勤克展分符朔野政科
伊肅玉門遠控金城遐阻人兼北狄俗雜西戎刺舉爲難式
遏斯重是用命爾爲使持節八州諸軍事涼州刺史駙馬都
尉如故往欽哉祇膺典冊勉修爾令德思效爾忠規垂清白
之風布廉平之化絕姦宄於亭障徵獄訟於閭里嗣其和氣
之美革彼貪頑之弊光我王度可不慎歟

冊間立本爲工部尙書文

維顯慶四年歲次己未三月戊寅朔十五日甲午皇帝若曰
職管納官任參機事上非德而不下非材而不處咨爾將
作大匠上護軍閭立本識局周敏理懷通悟體忠勤而表性
資仁恕以立身而思叶多能藝兼眾美委質運始策名朝列
智效先於課職聲猷播於律紀爰緝水土之官實諧搢紳之
論是用命爾爲兼工部尙書勳官如故往欽哉其敬承休命
獻善之規攸屬持平之務斯在恭惟明允可不慎歟

冊李寬太子詹事文

維顯慶四年歲次己未三月戊寅朔二十五日壬寅皇帝若
曰於戲弼諧儲副必俟才英總務宮端允資忠量故漢朝選
德受禮峻於寶卿晉代光口升榮歸於謝琰咨爾金紫光祿

大夫懷州刺史上原縣開國侯李寬識局沈謹理懷詳正勤誠表於內外智效張於文武聲猷載闡齒秩兼優博望斷裁之規與能僉屬承華彈肅之寄任賢在斯是用命爾爲太子詹事封如故往欽哉其祇膺茂典勉修乃職景前哲之高蹤垂後昆之令譽對揚休寵可不慎歟

冊李義甫司徒太常伯文

上官儀

皇帝若曰於戲山祇誕況叶申甫於昌期河靈屬符埒蕭張於景運故乃訐謨帝載歲蕤鼎業宣猷曄於樽俎燮政藻於丹青望重九霄道光五政咨爾兼吏部李義甫遠資門德獨秀人靈照赤野而合輝映青田而寫韻孝睦爲本錫類之範彌彰清白爲基畏知之迹逾劭金籙仞彩辯終豹於書林珠

握分光騁鄒龍於筆海柏臺摛公宴之藻蓬閣開良直之詞
勝望挺於和車奇謀表於韓劍彝倫寄其元穆品鏡仔其清
通矯翮培風絕雲霓而高邁聳鱗游霧排闥闔而上馳行乎
朋親聲流簪組是用命爾爲司徒太常伯勳封如故同東西
臺三品往欽哉爾其卑以待物缺隔之理斯存慎以飾躬數
服之情爲重道申規獻義先啟沃祇膺茂躅可不慎歟

乾朔二年

二月五日

冊劉伯英左監門衛大將軍文

皇帝若曰閭闔任隆周廬禁切口忠賢之允著實韜略之兼
優惟爾冠軍大將軍左驍衛將軍山陽郡開國公劉伯英志
力沈濟襟情爽烈早標奇正之術彌光巡警之功偃沙巨海

周文公集卷之二
牙之任攸屬式疇徽烈擢衛宸闈是用命爾爲左監門衛大將軍封如故往欽哉爾其職司無荒朕命不虞之寄可不慎

歟

龍朔二年
二月八日

冊寶玄德司元太常伯文

上官儀

皇帝若曰於戲總務文昌司會之名尤重升榮建禮內史之職彌隆自非材氣兼洽聲方允成何自式管唯辱對揚綸旨惟爾大司憲護軍寶玄德門列袞章地華合緒踐中和而立性資義德以含章禮囿騰芳儒壇彌寶宏謀動於簪紱令範光於廊廟攝官憲府勵俗而挺嘉猷受委皇京匪躬而輸懿績宣效朝任誠著周行申其寬直之規參攝損益之任是用

命爾爲兼司元太常伯勳官如故往欽哉爾其供奉彝倫式
昭王度勉爾忠正之口無忝恪口之表納言之寄可不慎歟
龍朔二年十月十一日

冊許圜師左相文

上官儀

皇帝若曰於戲五官用乂弼化佇於丹青宅揆代工成口資
於薪樞軌紀龍而遐翥羽排命扈而曾寒承奉玉劍於車副
儼金璫於重席使繁斯在問望攸歸咨爾左常侍檢校左廂
兼行太子右中護柱國平息縣開國公許圜師箕峰構精口
口口口幹業峻其家風象賢溢其門慶神機朗照靈府洞開
識綜亡篋敏該韋佩列幹雲敷升漢臺而叶彩彈口波偃縣
魏帳而均輝習武經文綢繆於丹宸履忠蹈信保乂於玄墀